

353/25-259

6302.

— 01 —

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
**SLUŽBA ZA VODOPRIVREDU, PUTNU INFRASTRUKTURU
I MJESNE ZAJEDNICE**

Broj: 09-45-9958/25 D.K.
Zenica, 29.04.2025. godine

GRADONAČELNIK

PREDMET: Izvještaj za 2024. godinu – vodoprivreda,
dostavlja se

Poštovani,

Prema Programu rada Gradskog vijeća Zenica za period 01.01 do 31.12.2025. godine, Izvještaj o realizaciji investicionih ulaganja u oblasti vodoprivrede u 2024. godini, kao i Izvještaj o realizaciji projekata izgradnje, rekonstrukcije i investicionog održavanja cestovne infrastrukture u 2024. godini te planovi investicionih ulaganja za 2025. godinu, trebao je biti razmatran u periodu februar-mart tekuće godine.

S obzirom da navedeni izvještaji i planovi, iz više razloga, nisu razmatrani u predviđenom roku, a imajući u vidu da je na isteku i mjesec april, Služba za vodoprivredu, putnu infrastrukturu i mjesne zajednice u prilogu dostavlja Izvještaj o realizaciji investicionih ulaganja u oblasti vodoprivrede u 2024. godini.

S poštovanjem!

Prilog:
-kao u tekstu

DOSTAVLJENO:

1x Naslovu
1x a/a

POMOĆNICA GRADONAČELNIKA

Emina Kurtagić



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA

OBRAĐIVAČ

Služba za vodoprivredu, putnu infrastrukturu i mjesne zajednice

**IZVJEŠTAJ O REALIZACIJI INVESTICIONIH ULAGANJA
U OBLASTI VODOPRIVREDE U 2024. GODINI**



Zenica, april 2025. godine

1. Uvod

U svrhu izvršavanja obaveza Službe za vodoprivredu, putnu infrastrukturu i mjesne zajednice (u daljnjem tekstu: Služba), utvrđenih Programom rada Gradskog vijeća Zenica za 2025. godinu, sačinjen je Izvještaj o realizaciji investicionih ulaganja u oblasti vodoprivrede u 2024. godini.

Osnov za aktivnosti Službe u izvještajnom periodu bio je Plan investicionih ulaganja u oblasti vodoprivrede za 2024. godinu, usvojen Zaključkom Gradskog vijeća Zenica broj: 01-45-9113/24 od 22.04.2024. godine.

Ukupna vrijednost projekata predviđenih Planom ulaganja u oblasti vodoprivrede za 2024. godinu iznosila je 3.579.679,22 KM.

Aktivnosti Službe u oblasti rekonstrukcije i investicionog održavanja vodovodne i kanalizacione mreže, odnosno vodoprivrednih objekata prikazane su kroz realizaciju ugovora o izvođenju radova, a prema izvorima sredstava finansiranja (sredstva Grada, sredstva vodnih naknada i ostali izvori finansiranja), uključujući zaključna razmatranja o planiranim, odnosno realizovanim projektima.

U Službi su, pored aktivnosti na realizaciji investicionih ulaganja, u 2024. godini vođene i aktivnosti iz oblasti tekućeg održavanja (izdavanje vodnih akata, čišćenje i sanaciju vodotoka, održavanje sistema kišne kanalizacije, pribavljanje projektne dokumentacije i dr.), a koje su detaljno obrađene u Izvještaju o radu gradonačelnika i Gradske uprave u 2024. godini.

2. Rekonstrukcija i investiciono održavanje vodovodne i kanalizacione mreže (sredstva Grada – fond 01)

Planom investicionih ulaganja u oblasti vodoprivrede za 2024. godinu predviđeno je da se iz sredstava Grada Zenica (fond 01), na ime rekonstrukcije i investicionog održavanja vodovodne i kanalizacione mreže, utroše sredstva u iznosu od 1.047.791,63 KM.

U 2024. godini su, za navedene potrebe, utrošena sredstva u iznosu od 366.100,11 KM.

Tabela broj 1 – Realizacija ugovora u 2024. godini – sredstva Grada (fond 01)

Red. broj	Predmet ugovora	Izvođač radova	Broj i datum ugovora	Realizacija u 2024. godini	Vrijednost ugovora*	Status
1.	Rekonstrukcije vodovoda Stara Nemila	Konzorcij Almy d.o.o. Zenica i Almy-gradnja d.o.o. Zenica	Ugovor broj: 02-11-13274-8/23 od 18.10.2023. godine	191.413,88	259.143,21	Realizovan

Red. broj	Predmet ugovora	Izvođač radova	Broj i datum ugovora	Realizacija u 2024. godini	Vrijednost ugovora*	Status
2.	Izgradnja kanalizacije Izgrtine, Topčić Polje	Špic beton d.o.o. Zenica	Ugovor broj: 02-11-13506-6/23 od 29.05.2023. godine	49.417,30	49.427,46	Realizovan
3.	Sanacija pumpne stanice Džomba	Toplota d.o.o. Zenica	Ugovor broj: 02-11-16996-5/23 od 28.09.2023. godine	40.950,00	40.950,00	Realizovan
4.	Izgradnja kanalizacije u naselju Hrustići	Fuel Boss d.o.o. Zenica	Ugovor broj: 02-11-9860-4/24 od 01.11.2024. godine	6.726,06	32.171,84	Radovi u toku
5.	Izgradnja dijela fekalne kanalizacije u naselju Visokovci	IGM-IUT Haskić d.o.o. Vitez	Ugovor broj: 02-11-11770-4/24 od 05.11.2024. godine	0,00	14.912,82	Radovi u toku
6.	Izgradnja pregrade broj 2 na Orahovičkoj rijeci	Almy d.o.o. Zenica	Ugovor broj: 02-11-11487-3/24 od 20.11.2024. godine	44.832,87	44.832,87	Realizovan
7.	Izgradnja dijela fekalne kanalizacije uz rijeku Kočevu, naselje Obrenovci	Špic beton d.o.o. Zenica	Ugovor broj: 02-11-11487-3/24 od 20.11.2024. godine	0,00	74.600,19	Realizacija: nakon početka rekonstrukcije regionalne ceste
8.	Nabavka i isporuka kanalizacionog i vodovodnog materijala	Toplota d.o.o. Zenica	Ugovor broj: 02-11-11353-3/24 od 31.07.2024.godine	32.760,00	32.760,00	Realizovan
Ukupno:				366.100,11		

* Svi iznosi u ovom izvještaju uključuju PDV.

Razlika između planirane i stvarne realizacije odnosi se na ugovore čija realizacija nije okončana u 2024. godini, odnosno završetak izvođenja radova očekuje se u 2025. godini (izgradnja kanalizacije u naselju Hrustići, izgradnja fekalne kanalizacije u naselju Visokovci, izgradnja dijela fekalne kanalizacije uz rijeku Kočevu, naselje Obrenovci), zatim na planirane projekte za koje, zbog više neuspješno okončanih postupaka javnih nabavki, nisu zaključeni ugovori o izvođenju radova u toku 2024. godine (Sanacija pumpnog postrojenja – Dobra voda, Smetovi; Rekonstrukcija kaptaze i sanacija upojnog bunara na azilu za pse u Stranjanima;

Rekonstrukcija kaptaže Ravnice u Šerićima; Izgradnja rezervoara vodovoda za Novo naselje od 5 m³) i na projekat za koji, u toku izvještajnog perioda, nije pokrenut postupak javne nabavke jer, u navedenom period, nije pribavljeno rješenje o odobrenju za građenje (Izgradnja fekalne kanalizacije Gorica u dužini od 2,6 km).

U nastavku izvještaja slijedi pojedinačni opis projekata.

2.1. Rekonstrukcija vodovoda Stara Nemila, MZ "Nemila"

U svrhu potpune rekonstrukcije i izgradnje primarne i sekundarnih trasa vodovoda, izvršena je rekonstrukcija dijela dovodnog cjevovoda i razvodne mreže sa vodomjernim oknima u dužini od 1.500 m.

Krajnji rezultat realizacije projekta je završen i objedinjen vodovod za kompletno naselje Stara Nemila - MZ "Nemila".



Slika broj 1: Rekonstrukcija vodovoda u naselju Stara Nemila

2.2. Izgradnja kanalizacije Izgrtine, MZ "Topčić Polje"

U svrhu rješavanja problema odvodnje fekalnih voda naselja Izgrtine i objekata uz Ciganski potok u MZ "Topčić Polje", izvedeni su radovi na izgradnji fekalne kanalizacije u dužini od 250 metara.



Slika broj 2: Izgradnja kanalizacije u naselju Izgrtine

2.3. Sanacija pumpne stanice Džomba, MZ “Gradišće”

Ugovorom o izvođenju radova obuhvaćeni su radovi na sanaciji i otklanjanju nedostataka na pumpnoj stanici vodovoda Džomba, a sve u cilju rješavanja problema snabdijevanja pitkom vodom mještana u naselju Gradišće.



Slika broj 3: Pumpna stanica vodovoda Džomba

2.4. Izgradnja fekalne kanalizacije u naselju Hrustići, MZ “Klopče”

U svrhu rješavanja problema odvodnje fekalnih voda dijela naselja Hrustići, u toku 2024. godine izvedeni su radovi na izgradnji kanalizacije u dužini od 80 metara. Nastavak realizacije Ugovora o izvođenju radova očekuje se u 2025. godini.



Slika broj 4: Izgradnja kanalizacije u naselju Hrustići

2.5. Izgradnja pregrade broj 2 na Orahovičkoj rijeci, MZ “Orahovica”

Realizacija Ugovora na izvođenju radova na izgradnji pregrade na Orahovičkoj rijeci, u MZ “Orahovica” obuhvatila je izgradnju AB konstrukcije koja za cilj ima usporavanje vodotoka i smanjenje rizika od poplava i nanosa nizvodno od pregrade.



Slika broj 5: Izgradnja pregrade na Orahovičkoj rijeci

2.6. Nabavka i isporuka kanalizacionog i vodovodnog materijala

Na osnovu Ugovora o nabavci i isporuci kanalizacionog i vodovodnog materijala izvršena je nabavka i isporuka materijala u šest mjesnih zajednica i to: Briznik, Topčić Polje, Radinovići, Starina, Perin Han i Orahovica.



Slika broj 6: Ugradnja materijala
(Orahovica – Vesela bukva)



Slika broj 7: Ugradnja materijala
(Perin Han – Palinovići)

3. Rekonstrukcija i investiciono održavanje vodovodne i kanalizacione mreže (vodne naknade – fond 03)

Planom investicionih ulaganja u oblasti vodoprivrede za 2024. godinu predviđena je realizacija po osnovu utroška sredstava vodnih naknada i to:

- realizacija projekata po Programu utroška sredstava vodnih naknada za 2023. godinu i
- realizacija projekata po Programu utroška sredstava vodnih naknada za 2024. godinu.

Ukupna vrijednost projekata predviđenih Planom iznosila je 2.531.887,59 KM.

3.1. Realizacija projekata po Programu utroška sredstava vodnih naknada za 2023. godinu (projekti iz 2023. godine - prenos)

Planom investicionih ulaganja u oblasti vodoprivrede za 2024. godinu, a na osnovu Sporazuma o zajedničkom učešću u realizaciji projekata iz Programa utroška sredstava vodnih naknada za 2023. godinu, predviđena je realizacija ugovora u ukupnoj vrijednosti od 821.887,59 KM.

Realizacija u 2024. godini, kada su u pitanju ugovori o izvođenju radova, iznosila je 815.390,69 KM, odnosno 840.611,67 KM ukoliko se uzmu u obzir i usluge stručno-tehničkog nadzora.

Podaci o realizaciji navedeni su u narednom tabelarnom pregledu.

Tabela broj 2 – Realizacija projekata u 2024. godini - Program utroška sredstava vodnih naknada za 2023. godinu (prenos)

naknada za 2023. godinu (prenos)						
Red. broj	Predmet ugovora	Izvođač radova	Broj i datum ugovora	Realizacija u 2024. godini	Vrijednost ugovora	Status
1.	Izgradnja dijela fekalne kanalizacije u naselju Stranjani	Atlas d.o.o. Visoko	Ugovor broj: 02-11-18682-5/23 od 28.11.2023. godine	147.539,34	147.552,44	Realizovan
2.	Regulacija dijela Orahovičke rijeke	Konzorcij Almy d.o.o. Zenica i Almy-gradnja d.o.o. Zenica	Ugovor broj: 02-11-18682-4/23 od 10.11.2023. godine	395.402,68	395.402,70	Realizovan
3.	Izgradnja dijela fekalne kanalizacije Vukotići	Dževkomerc inženjering d.o.o. Zavidovići	Ugovor broj: 02-11-19625-3/23 od 17.11.2023. godine	166.187,17	168.480,00	Realizovan
4.	Regulacija Ciganskog potoka u Stranjanima	Špic beton d.o.o. Zenica	Ugovor broj: 02-11-19687-4/23 od 28.11.2023. godine	45.575,44	45.575,51	Realizovan
5.	Rekonstrukcija razvodne mreže vodovoda Prika u MZ "Janjac"	Špic beton d.o.o. Zenica	Ugovor broj: 02-11-11487-3/24 od 20.11.2024. godine	60.686,06	60.723,00	Realizovan
6.	Usluge stručnog nadzora			25.220,98		
Ukupno:				840.611,67		

U nastavku izvještaja slijedi pojedinačni opis projekata.

3.1.1. Izgradnja dijela fekalne kanalizacije u naselju Stranjani, MZ "Stranjani"


Ugovor o izvođenju radova obuhvatio je izgradnju 800 metara kanalizacione mreže u naselju Stranjani. Izgradnjom kanalizacije stvoreni su uslovi za rješavanje odvodnje fekalnih voda iz cca. 30 stambenih objekata, čime će biti smanjeno onečišćenje lokalnih potoka.



Slika broj 8: Izgradnja dijela fekalne kanalizacije u naselju Stranjani

3.1.2. Regulacija dijela Orahovičke rijeke u MZ “Nemila”

Izvedeni su radovi na regulaciji Orahovičke rijeke u MZ “Nemila” u dužini od 170 metara, uzvodno od potpružnjaka prema osnovnoj školi, čime je smanjena mogućnost plavljenja postojećih privrednih i stambenih objekata u naselju Nemila.



Slika broj 9: Regulacija Orahovičke rijeke

3.1.3. Izgradnja kanalizacije Vukotići, MZ “Vukotići”

Izgrađeno je 170 metara kanalizacione mreže u naselju Vukotići. Izgradnjom kanalizacije stvoreni su uslovi za rješavanje odvodnje fekalnih voda iz stambenih objekata, čime će biti smanjeno onečišćenje okoliša.



Slika broj 10: Izgradnja kanalizacije u naselju Vukotići

3.1.4. Regulacija Ciganskog potoka u Stranjanima, MZ Stranjani

Izvedeni su radovi na regulaciji Ciganskog potoka u dužini od 20 metara, uzvodno od ranije završene faze regulacije, čime je smanjena mogućnost plavljenja lokalne saobraćajnice kao i postojećih privrednih i stambenih objekata.



Slika broj 11: Regulacija Ciganskog potoka u naselju Stranjani

3.1.5. Rekonstrukcija razvodne mreže vodovoda Prika, MZ "Janjac"

U svrhu rješavanja problema snabdijevanja pitkom vodom mještana u dijelu naselja Janjac - MZ "Janjac" izvršena je rekonstrukcija razvodne mreže vodovoda Prika 1, u dužini od 640 metara sa pet vodomjernih okana.



Slika broj 12: Rekonstrukcija razvodne mreže vodovoda Prika

3.2. Realizacija projekata po Programu utroška sredstava vodnih naknada za 2024. godinu

Planom investicionih ulaganja u oblasti vodoprivrede za 2024. godinu, a po osnovu utroška sredstava vodnih naknada za 2024.godinu, planirana su sredstva u iznosu od 1.710.000,00 KM.

Programom utroška sredstava vodnih naknada u 2024. godini, koji je donijela Vlada Zeničko-dobojskog kantona, Gradu Zenica su za realizaciju projekata u 2024. godini odobrena sredstva u iznosu od 1.517.069,15 KM.

Realizacija projekata iz Programa utroška sredstava vodnih naknada kasnila je zbog kasnog potpisivanja Sporazuma o zajedničkom učešću u realizaciji projekata, što je rezultiralo da se pojedini ugovori o izvođenju radova i prenosu sredstava zaključe tek krajem 2024. godine.

Zbog složene procedure javnih nabavki, za pojedine projekte još uvijek nisu zaključeni ugovori.

U narednom tabelarnom pregledu navedeni su podaci o realizaciji projekata.

Tabela broj 3 – Realizacija projekata po Programu utroška sredstava vodnih naknada za 2024.

Red. broj	Mjesna zajednica	Vrsta radova	Opis projekta	Vrijednost ugovora
1.	Stranjani	Kanalizacija	Izgradnja dijela kanalizacije u naselju Stranjani sa sanacijom ceste nakon izgradnje kanalizacije u 2023.godini (Ugovor broj: 02-11-17105-3/24 od 15.11.2024. godine)	128.498,76
2.	Nemila	Regulacija vodotoka	Regulacija dijela Orahovičke rijeke, na st.0+303-0+403, u dužini 100 metara (Ugovor broj: 02-11-17151-3/24 od 15.11.2024. godine)	162.630,00

Red. broj	Mjesna zajednica	Vrsta radova	Opis projekta	Vrijednost ugovora
3.	Staro Radakovo	Vodovod	Proširenje gradskog vodovoda na Josipovića put -potisni cjevovod u dužini 814 m i pumpna stanica sa predrezervoarom (Ugovor broj 02-11-16234-3/24 od 08.10.2024. godine)	278.942,96
4.	Putovići-Putovičko Polje	Regulacija vodotoka	Regulacija potoka Hrast - od st.+0+070,00 do 0+170,00 (Ugovor broj: 02-11-17094-3/24 od 19.11.2024. godine)	121.469,40
5.	Dobriljeno	Regulacija vodotoka	Izgradnja druge faze regulacije Dobriljenskog potoka, dužine cca 100 m - od st.+171,27 do 0+274,14 (Ugovor broj: 02-11-18155-3/24 od 22.11.2024. godine)	68.959,78
6.	Pehare	Kanalizacija	Izgradnja kanalizacije Werostin put -od desnoobalnog kolektora do ulice Werostin put, u dužini od 1150m (Ugovor broj: 02-11-17136-3/24 od 12.11.2024. godine)	158.003,39
7.	Podbrežje	Kanalizacija	Izgradnja kanalizacije u Podbrežju - povezivanje kraka 24 sa krakom 9 i naselja Kondžila i Dolovi (Ugovor broj: 02-11-16825-3/24 od 05.11.2024. godine)	158.290,76
8.	Bistričak	Vodovod	Rekonstrukcija vodovoda Smajići – izgradnja rezervoara 50 m ³ za naselje Donji Smajići)	Nije okončan postupak javne nabavke
9.	Šerići	Kanalizacija	Izgradnja mješovite kanalizacije u dužini 1.090 m, u Šerićima	Nije okončan postupak javne nabavke
10.	Smetovi	Vodovod	Rekonstrukcija rezervoara od 100 m ³ na vodovodu Dobra voda	Nije okončan postupak javne nabavke

Pored navedenih projekata, Sporazumom su odobrena sredstva i na ime izgradnje kanalizacije u Romskom naselju, u Mjesnoj zajednici "Nemila", u iznosu od 110.000,00 KM, ali postupak javne nabavke nije pokrenut jer je Mjesna zajednica obavijestila Gradsku upravu da odustaje od navedenog projekta (insistira se na izmjeni tehničkog rješenja).

O navedenom je obaviješteno nadležno Ministarstvo te je traženo da se izvrši preraspodjela sredstava. Povratna informacija, međutim, još nije zaprimljena.

4. Rekonstrukcija i investiciono održavanje vodovodne i kanalizacione mreže (ostali izvori finansiranja – fond 03)


4.1. Program prijateljskog okruženja - Izgradnja HE “Janjići” na rijeci Bosni

Realizacija Ugovora o izvođenju radova na izgradnji primarne fekalne kanalizacije naselja Janjići u dužini 642 m, u vrijednosti od 192.807,81 KM, koji je zaključen u decembru 2022. godine, nije okončana u 2024. godini zbog neriješenih imovinsko-pravnih odnosa.

Traženo je promjena mjesta budućeg sistema prečišćavanja, što je prouzrokovalo potrebu za ishodovanjem izmjene projektne dokumentacije, a samim tim i dodatnih saglasnosti vlasnika parcela. Ishodovanje odobrenja za građenje te nastavak radova očekuje se u tokom 2025.godine.

4.2. Regulacija potoka Baretnjak

Odlukom o odobravanju sredstava Gradu Zenica radi otklanjanja posljedica od poplava (“Službene novine Zeničko-dobojskog kantona“, broj: 13/23), Gradu Zenica su dodijeljena sredstva u iznosu od 150.000,00 KM na ime realizacije projekta regulacije potoka Baretnjak, MZ “Topčić Polje”. U 2024. godini zaključen je i realizovan Ugovor o izvođenju radova na regulaciji dijela korita potoka Baretnjak – Topčić Polje, na potezu od propusta P5 do profila PR24, u dužini cca 100m, br.02-11-18149-3/23 od 13.11.2023. godine, u vrijednosti od 148.081,17 KM. Izvedeni su radovi na izgradnji regulacije potoka Baretnjak, otvorenog kanala, sandučastog profila, u dužini od 100 m.



Slika broj 13: Regulacija potoka Baretnjak

4.3. Nastavak regulacije korita potoka Baretnjak

Ugovorom o dodjeli podrške iz Budžeta Federacije BiH, broj: 02-45-25918/23 od 01.12.2023. godine, Gradu Zenica su, između ostalog, odobrena i sredstva u iznosu od 100.000,00 KM na ime realizacije projekta nastavka regulacije korita potoka Baretnjak.

Na osnovu Ugovora o izvođenju radova utrošena su sredstva u iznosu od 91.702,40 KM. Izvedeni su radovi na izgradnji nastavka regulacije potoka Baretnjak, od profila 24 do profila 26+10m, odnosno izgradnji otvorenog kanala ukupne dužine 60 m, sandučastog poprečnog profila.



Slika broj 14: Nastavak regulacije potoka Baretnjak

5. Zaključak

Sve planirane aktivnosti, kao što je vidljivo iz izvještaja, iz objektivnih razloga nisu u potpunosti realizovane.

Razlog je, prije svega, kasno zaključivanje ugovora o izvođenju radova prouzrokovano kašnjenjem donošenja Programa utroška sredstava vodnih naknada, zatim složenim procedurama koje prate utrošak sredstava vodnih naknada, procedurama javnih nabavki te potrebama za izmjenom projektne dokumentacije neophodne za realizaciju određenih projekata.

Uprkos svemu gore navedenom, u 2024. godini je, u cijelosti, realizovano dvanaest projekata.

Na ime izvedenih radova u 2024. godini, u oblasti rekonstrukcije i investicionog održavanja vodovodne i kanalizacione mreže, odnosno vodoprivrednih objekata, u 2024. godini, utrošena su sredstva u iznosu od 1.519.276,24 KM.

Realizacija projekata rezultirala je izgradnjom 2.140 metara vodovodne mreže, 2.030 metara kanalizacione mreže i 290 metara uređenih riječnih korita, što je u mnogim aspektima dovelo do poboljšanja uslova života krajnjih korisnika.

Broj: 09-45-9958/25
Zenica, 29.04.2025. godine

POMOĆNICA GRADONAČELNIKA

Emina Kurtagić

13